

旨依議

親屬相為容隱

盜犯係無服之親出首成案

刑部議強盜單璽馮三等行劫莊振倉家馮三等出首將單璽等拿獲單秀等依強盜得財皆斬馮三等依知人欲告自首減二等律杖徒單璽係首賊馮三表兄查律內得相容隱者之親屬為之首聽如罪人身自首法無服之親亦得減一等等語行令該撫確擬去後今據東撫王國昌疏稱馮三原供單璽不係伊親表兄是以前詳未敢輕議今既奉部議應遵照改正等語但單璽病故無庸議康熙三十八年四月奉

旨知道了

處決叛軍

擅行處死謀為不軌之犯免議

刑部題為遵

旨會議事據江寧巡撫于準奏稱為據寔奏明仰祈

睿鑒事奉

旨這事並于準劉光美議罪摺子三個俱交與九卿一併會議寫本具題欽此該臣等會同九卿詹事科道會議得據江寧巡撫于準奏稱臣聞得奸徒謀劫司庫遂諭密行嚴拿當據長洲等縣緝獲窩犯張書紳供出夥犯錢國華等即拘親審供有潘九州倡言劫庫搶掠典舖因不能糾集被人知覺遂各潛散臣將首惡張書紳等七人立即處死擅專之罪難辭盜犯嚴阿貴潘五高子祥移浙江巡撫與伊等行劫人家案內歸結又拿獲于聖奇即貢生李燾等七名潘九州脫逃無踪交與臬司嚴審定擬另

謀殺人因而得財得相容隱之親屬首告照律得免所因之罪仍
依故殺法案

江撫張荒郊人死事看得劉五圖財致死曹小和尚一案先據署臬
司王 審擬招解經臣親審無異臣因劉五係袁氏養老女婿圖財
致死曹小和尚袁氏例得容隱而劉五于未經發覺之前袁氏曾向
屍父曹闌說知得獲劉五到官律同自首得免所因之罪應照故殺
律擬絞監候該府州等從前將劉五依謀殺人得財擬斬立決例有
處分前來據該司將承問官職名隨招開送檄飭查取去後茲據該
司將錯擬之府州職名開報前來相應題叅等因雍正二年 月內
奉

旨高魁梁 着降一級調用

成案彙編

卷三 名例三

三

Title: 成案彙編二十六卷目二卷
Auteur: 清雅爾哈善等輯

亲属相为容隐

犯奸不得容隐埋尸亦系侵损

四川司查律载：大功以上亲有罪相为容隐者勿论。又例载本夫本妇之有服亲属皆许捉奸各等语。详绎律例，盖亲属得相容隐，系指寻常犯罪而言。至犯奸则辱没祖宗，在亲属均有义忿防闲之责，故尊长有纵奸科罪之条。即卑幼亦在应许捉奸之列。如有知情容隐，自不得援照得相容隐之律，予以免议，致与例义龃龉。今川省陈固荣戳死奸妇陈孙氏案内之孙万全，系孙氏胞弟，例许捉奸，其于孙氏犯奸知情容隐，与亲属有犯别项罪名容隐者不同。该督声称律得容隐，似未允协。惟孙氏业已出嫁，孙万全分属卑幼，无管束之责，尚可免议，拟于稿尾另行声说。至严懋田杀死陈标案内之严懋连，系严懋田胞弟，明知伊克纵妻傅氏与陈标通奸，既不能劝阻于前，又复帮同埋尸于后，自应依一家共犯侵损于人，以凡人首从论，科该犯以埋尸为从之罪。该督亦称律得容隐，竟予免议，核与律例不符，并请改拟。乾隆五十六年说帖

刑案匯覽 卷五